

萬有文庫

第二集七百種

王雲五主編

曝書亭集

(六)

朱彝尊撰

商務印書館發行

曝書亭集

(六)

江苏工业学院图书馆  
藏书章

萬有文庫

第二集七百種

總編纂者

王雲五

商務印書館發行

# 曝書亭集卷第二十八

詞五

茶煙閣體物集上

柳色黃對雨

岸側榆錢牆角棟花吹已將盡。漸添綠葉陰濃。轉覺晚來風緊。絲絲縷縷。界開密霧。低煙暗。催闌藥紅尖潤。怕鳳子衣單。把柔黃都褪。休問。鈿車驄馬。縱約歸期。料應難準。最憶江南。屐齒滿街聲趁。吳歌幾曲。穩坐細浪魚天。落帆笑指柴門近。任踏破苔痕。數小園新筍。

渡江雲欲雪

河冰遙度馬。稜稜寒色。望裏但疎蕪。漸吟蛩已靜。祇聽空林。大觜啄飢鳥。魚鱗萬點。斂雲英。半晌模糊。卻一似。畫家米虎。潑墨寫江圖。南湖。恁時風景。春到苔枝。有紅梅樹樹。儘容我。青鞵岸淨。白舫燈孤。而今苦被浮榮縛。擁殘氈。不比蘭蘇。拚醉也。牀頭酒價都無。

聒龍謠雪

密比花繁。輕嫌絮重。一半斜侵簾戶。淡抹牆腰。似月稜初吐。纔飄墮。凍雀聲中。又壓倒。早梅開處。縱旗亭。

臘釀堪沾。已迷卻板橋路。颼風緊。亂雲低。見潑墨點點。林鴉催暮。一絲漁艇。料今番歸去。訝光寒入夜。翻明漸灑急。聽聽如雨。問隔江桃葉桃根。尙能來否。

春風島娜游絲

倩東君著力。繫住韶華。穿小徑。漾晴沙。正陰雲籠日。難尋野馬。輕颼染草。細綰秋蛇。燕蹴還低。鶯銜忽溜。惹卻黃鬚無數花。縱許悠揚度。朱戶終愁人影隔。牕紗惆悵。謝娘池閣。湘簾乍卷。凝斜盼。近拂簷牙。疎籬。短牆遮。微風別院。好景誰家。紅袖招時。偏隨羅扇。玉鞭墮處。又逐香車。休憎輕薄。笑多情似我。春心不定。飛夢天涯。

無夢令飛花

魚浪飄香千點。燕尾分煙一翦。已自出牆東。又被輕風吹轉。輕風吹轉。剛逗卷簾人面。

步蟾宮端溪觀采硯

蒼山暗束寒江轉。問巖穴。探時深淺。不妨篝火夜連朝。待割取。谿雲一半。疎疎嫩葉青花遍。比剗卻。羊肝更軟。看來只合寄情人。已早有。相思淚眼。

掃花游試茶

揀花放了。正穀雨初晴。逼籬雲水。曉山十里。見春旗乍展。綠槍未試。立倦濃陰。聽到吳歌徧起。焙香氣。鼻

一縷午煙。人靜門閉。清話能有幾。任舊友相尋。素盜頻遞。悶懷盡矣。況年來病酒。夜闌須記。活火新泉。夢繞松風。曲几。暗燈裏。隔牕紗。小童斜倚。

一枝春汪舟次貽流求筆筠管蘆管各一同查客賦之

海外青羊也中書。偶被星查攜到。明牕脫帽。搭破麻姑纖爪。黃蘆墨竹。慣斜鏤。一枝花。鳥持比似。諸葛宣城。樣變棗心翻巧。遙憐水雲孤島。想銀光研紙。留題多少。小扇香奩。愛染夕陽芳草。層波萬里。付吳下阿儂誰料。端可惜。老去章臺。畫眉嬾了。筆帽裂其一。面活脫下上。

瑞鶴仙錢編修庸亭席上觀司馬相如私印

土花凝古繡。見細紋卷髮。冷光塗黝。朱綵覆冰紐。愛千年未蝕。幾絲紅籀。燒春熟後。料無心。蟲魚刻鏤。算除非。賣賦金多。書券恁時纔有。知否。遙山描罷。卓女風流。定拈纖手。摩挲已久。挑短燭。把看又。論才華。不是淩雲健筆。可許尋常消受。拚夜寒。典了鸛裘。肯教換酒。

天香龍涎香

泓下吟殘。波中燄後。珠宮不鎖癡睡。沫卷盤渦。腥垂尺木。采入蜃船蛟市。南蕃新譜。和六一丹泥分製。裏向羅囊未許。攜歸金匱先試。炎天最饒涼思。井華澆。帛鋪澄水。百沸瓊膏。噓作半牕雲氣。麝火溫磨。欲陷。又折入犀帷。裊難起。螺甲重挑。茶煙較細。

又前題

擣就花房鏤成棗印。勻摹七寶痕淺。小鼎幡螭。沉灰撥獸。銀葉中央徐點。靈釐乍漉。早搖曳。雲魂一線。壓住秦篝又起。偏嘯杏梁棲燕。客愁雨餘清簾。潤涼波。半衾新煖。最憶玉牕人怯。擘時曾見。認得吳家心字。話江漲橋南寄來遠。春夢羅囊賦情未倦。能改齋漫錄近時士人於錢塘江漲橋爲狹斜之游其後陷河南不返其友寄以龍涎香士人酬之云認得吳家心字香

玉牕春夢  
紫羅囊

十二時雲母燈

是何人。碧山深處。潛入仙廚私竊。把石粉雲英堆積。翦翦層層疊疊。面面裝成。稜稜作去聲就。細染紅牋貼。正夜靜。改席西園。紫鳳吐珠。曾否銅槃吹滅。閒更思。梨花院落。定自十分清絕。宿鳥窺來。飛蛾拂去。不道成冰雪。謾認他是燈。分明一片冷月。也只消。拋殘小扇。玉面當前終怯。怎得攜歸。江南樂事。闌向元宵節。看翠眉幾許。屏風影中低說。

點絳脣鞦韆

香袂飄空爲誰一笑穿花徑。有時花頂。羅幃纖纖並。飛去飛來。不許驚鴻定。重門靜。粉牆深映。留取春風影。

前題

曲周王顯祚酒求

青粉牆高。是誰紅索中搖曳。窄衫初試。轉覺腰支細。冷笑江南。不省春遊戲。層檐底。畫裙窄地。生怕風扶起。

和韻

桐鄉錢琰又持

小院層闌下。臨一道。蘼蕪徑。柳梢花頂。飛燕差堪並。嬾娜春風。不放游絲定。金鈴靜。翠遮紅映。忍露全身影。

釵頭鳳藏鈎

華筵半。銀燈燦。玉鈎纖。手陳青案。傳言快。分曹待。暗將心事。把秋波賣。在在在。番番換。低低喚。個儂翻。被人偷算。三杯外。含嬌態。不應輸與。笑拈衣帶。再再再。

臨江仙金指環

削就葱根待束。挂將榴火齊炎。殷勤搓粉爲君拈。愛他金小小。曾近玉纖纖。數徧檀郎十指。帶來第五猶嫌。憑教麗句續香奩。解時愁不斷。約了悶翻添。

踏莎行釵

金重難勝。翠勻如沐。愛他也有同心目。曉來尋慣枕函邊。坐懷先綰香雲束。小鳳垂珠。小魚銜玉。離愁夜半挑殘燭。玉郎消息斷紅牋。背人潛把歸期卜。



鵲橋仙

湖菱鳥角。渚蓮紅瓣。不比幫兒還瘦。拈來直是小舫船。只合借燈前行酒。春陽花底。春泥陌上。最好踏青時候。假饒無意把人看。又何用明金壓繡。

秦樓月

涼煙翠。銀河激灩光垂地。光垂地。小樓一曲。月華如水。排成鳳翅聲初遞。聽殘鵝管君須記。君須記。風簾卷處。那人雙髻。

沁園春

鏡檻初開。宜對粉題。休籠紫綸。記折花共劇。蘭雲纔覆。塗妝伊始。翠鈿曾安。慣疊纖羅。微嫌短髮。手裊紅絲著意刪。犀梳斂。護貂茸一翦。閣住輕寒。日斜倚小門闌。但端正窺人莫便還。見障羞月扇。低時半露。吹愁梅瓣。點處成斑。素柰看勻。小蟬比並。料是詩人想像間。蜂黃淺。愛夕陽無限。映取遙山。李白詩。妾髮初覆額。折花門前劇。王建詩。素奈花開西子面。衛風。螭首蛾眉。孔氏疏云。小蟬也。溫庭筠詩。額黃無限夕陽山。

前題

錢芳標

憶折花時。幾寸青絲。鬢髮覆初。愛寶匳對影。安黃恰正。小鈿當面。貼翠誰如。解事春風。多情梅瓣。數點含章殿角虛。山無限。映夕陽一抹。眇眇愁余。水晶簾底妝梳。又怕熱。蟬紗緗乍除。道宮眉學畫。量來

休廣宿醒餘困。蹙罷纔舒。嬌女詩中。碩人句裏。費盡才情。比擬渠。殷勤祝。舉玉纖加處。默訴冰蜍。

又鼻

滴粉堆成。黃點輕黏。運斤可能。見窺簾乍露。斜侵短燭。挑鬢欲徧。易近圓冰。愛黦青梅。慵填香粢。扶下秋千喘未勝。閒中坐。試微噓素指。暗驗鈎繩。荷風水檻長憑。盼消息。郎歸噓定。曾伴謝公游去。聯吟或擁徐妃妝後。半面須緘。淚泫低分。汗融先拭。紅袖遮來。媚轉增。凝神久。想新停月脈。旋抱飛蠅。常以黃玉爲諫大如黍米。在鼻上。是真玉女也。圓冰。小鏡名。香粢。用石崇事。淮南子。子午卯酉爲二繩。丑寅辰巳未申戌亥爲四鈎。俗傳鼻息左右可以驗時。婦人有娠。蠅抱其鼻。

又耳

玉琢芳根。麝月初弦。螺峰遠侵。勝吳綃畫了。微添朱暈。秦璫繫卻。密釘神針。粉拂頻沾。香雲帶掠。斂鳳珠垂冷不禁。盤龍鏡。映玉臺素手。影後斜臨。小堂誰弄清琴。通一線靈犀。直到心。慣春閒易倦。偷黏角枕。夢輕難續。翻恨鶯吟。細馬馱來。埃風生處。掩就綸巾。未易尋。羅幃底。把無聲私語。遞向更深。唐張萱畫婦人以朱暈耳根。

前題

錢芳標

阿母前頭。影語微詞。靈犀早通。幾傳來芳信。喜占晴鵲。送來愁緒。暗數秋蛩。擲笛層樓。賣花深巷。閒處關心。幼便聰。纖瓊嫩。倩香貂垂鬢。護取尖風。附時密約。喁喁。怕侍女猜嫌。未許從。儘夢回山枕。半輪

欹仄妝成珠珥。兩朶玲瓏。鬢髻纒梳。彎環欲吐。弦月依稀翠霧籠。重門鎖。怪誰呼小字。熱處微紅。

又齒

文貝編成密鎖華池。懸漿易霑。愛蘭湯乍嗽。含朱愈瑩。瓠犀難擬。排玉還銛。刺繡花勻。縫衣結扣。持截餘絲不用添。芳津嚙。對青梅一點。軟卻慵拈。早鴉啼徧前檐。悄叩罷。潛將心事占。見輕塵動處。歌時定啓。愁眉展後。顰慣休嫌。忍病先寒。因嬌或噤。佇想頻銜素指纖。相思字。漫沉吟。鬻筆褪了毫尖。釋名曰口下經曰承漿一名懸漿也醫家口齒方有唐邵英俊排玉集司馬相如作賦把筆鬻之似魚

又肩

紉質停勻。比似陸郎。何曾暫離。被詞人賦就。望中疑削。畫工減盡。染處恆垂。離弱纒過。牆低乍及。結伴還從影後窺。緣紅索。上秋千小立。恰並花枝。蟬蟻領下。詞梨翦雲葉。玲瓏一半。虧記量成尺六。難增分寸。飲過三爵。易致斜敲。愛拍樽前。頻扶倦裏。細步惟應處處隨。吟飛雪。怕玉樓生粟。拂袖遮伊。海鹽陸東美婦相重寸步不離時號比肩人洛神賦肩若削成畫法美人無肩漢雜事肩廣尺六寸蘇子瞻雪詩凍合玉樓寒起粟玉樓謂肩也

又臂

勝母陀羅八萬四千。非耶是耶。效蹋搖娘曲。聯時宛轉。胡騰兒舞。旋了交加。拍案霓裳。張同鳳翅。攘處拖環急鼓。搗呼同坐。把香肩微竦。側倚琵琶。曲欄憑晚涼些。添羅袖。纒令一半遮。更泥他沽酒。卸金跳脫。

教伊展畫替玉鴉。又待枕先舒。將盟暗齧。宜印綢繆。小字斜臨。當別擣花房。蜥蜴重繫紅紗。首楞嚴經。二  
八萬四千母陀羅臂。李紳拓枝伎詩。畫鼓拖環錦臂。境又鳳聲初歇。翅初  
張。李商隱詩。展畫玉鴉。又齧臂盟。見左傳。唐宮人選幸。以綢繆字印臂。

又掌

小小瓊田。煖玉無塵。紋生細波。慣先調粉澤。兩邊齊傅。未昏菱鏡。一面頻磨。鞦拓真纖。指離偏遠。水上蒲  
裙著意搓。闌干拍惹鴛鴦驚起。飛度風荷。樽前一握無多。縱燕燕身輕。舞則那。任青紅碧綠。按成綵縷。  
裁縫熨貼。研就香羅。冷露三霄。明珠幾顆。除是仙人不讓他。春來病把芳心捧罷。百徧摩挲。楊无咎詞。掌  
事。指去掌四寸。李商隱  
詩。仙人掌上三霄露。

又乳

隱約蘭胸。菽發初勻。脂凝暗香。似羅羅翠葉。新垂桐子。盈盈紫葇。乍壁蓮房。寶小含泉。花翻露蒂。兩兩巫  
峰最斷腸。添惆悵。有纖桂一抹。卽是紅牆。偷將碧玉形相。怪瓜字初分。蓄意藏。把朱欄倚處。橫分半截。  
瓊簫吹徹。界住中央。量取刀圭。調成藥裹。寧斷嬌兒不斷郎。風流句。讓屯田柳七。曾賦酥娘。漢雜事。胸  
乳菽發。

又膽

藥塢芝房。一點中池。生來易驚。笑金釵卜就。先能斷決。犀株鎮後。纔得和平。樓響登難。房空怯最。三斗除  
非借酒傾。芳名早喚。狗兒吹笛。伴取歌聲。沉憂何事牽情。悄不覺人前太息輕。怕殘燈枕外。簾旌蝙蝠拂。

幽期夜半。牕戶雞鳴。愁髓頻寒。回腸易碎。長是心頭苦暗并。天邊月。縱團圓如鏡。難照分明。黃庭經注。膽主斷決。李賀詩。犀株防膽怯。三斗借用管輅事。元稹詩。狗兒吹笛。膽壞歌。內經。膽病者善太息。

又腸

嫵嫵輕軀。能有幾多。容萬斛愁。慣悲銜腹內。相看脈脈。事來心上。一樣悠悠。鳥道千盤。轆轤雙綆。又類車輪轉未休。縈方寸。穿錦梭。暗擲。弱縷中抽。柔情曲似江流。怕易割。秋山嬾上樓。況三朝三暮。巴猿峽口。一聲一斷。杜宇枝頭。百結將離。九迴猶剩。杯沃能勝酒力不。樽前曲。再休歌。河滿。淚落難收。白居易詩。能梭。用梭腸。有意錦絲穿。語。魚玄機詩。離腸百結。解無由。李商隱詩。回腸九回。後猶有剩回。腸。又白詩。三杯自要沃中腸。唐孟才人歌。河滿子。畢武宗命醫候之。脈尚溫而腸已絕矣。

又背

意遠態濃。珠壓腰極。冰肌最勻。盼新月。堂前。殷勤匍伏。秋千架上。推遞逡巡。見客遙來。和羞卻走。翩若驚鴻。望未真。踏青去。惹春游。年少目送香塵。催歸潛理紈巾。怕汗浹。輕容拭更頻。憶閒中。指爪癢。須爬慣。宵分姊妹。擁便情親。每到噴時。拋郎半枕。難畱猩紅一點唇。堪憎甚。縱千呼萬喚。未肯迴身。杜甫詩。背後稱身。腰極穩。

又膝

纖骨亭亭。窮袴輕籠。長裾半懸。訝流黃。織慣。頻掀綜底。小車容卻。每觸簾邊。手抱無聊。心慵易軟。拜起須

扶態更妍，留仙皺。見勝常道罷，小立依然。試令蹈節歌筵，翹一足，長同沙鷺拳。把春衣卸盡，有時蔽錦，寒衾架處，恨未添絲。醉裏便嬾，嬌時嬾密，隨意天斜坐簾錢。教郎坐，放阿侯學步，俯視齊肩。曹植靜思賦，行嬾密而妍。

詳古樂府十七生兒字阿侯。

### 雙雙燕別淚

問銀海水有多少層波。斂愁飄怨，含辛欲墮。轉自把人凝盼，霑向長亭早晚。定減了，輕塵一半。安排玉箸離筵，伴我樽前腸斷。偷看夜來枕畔，傍鏡影初乾。袖痕重按，心心心上，總是別情難慣。縱遣絲垂縷綰，穿不起，南珠盈串。裁得幾幅榴裙，點點行行都滿。

### 笛家題趙子固畫水墨水仙

亡國春風，故宮鉛水。空餘芳草，冷花開徧江南岸。王孫老矣，文采風流，墨池筆冢，淚痕都染。帝子含顰，洛靈微步，宛在中洲半。悵騷人，未經佩，徒藝楚英九畹。繚亂一叢寒碧，生煙疎雨，隨意敲斜。鵝絹蟬紗，寄情悽惋。尙想白石蘭亭遺事，逸興千秋如見。豈似吳興君家承旨，蕃馬風塵滿。縱自署水晶宮，怕有鷗波難浣。

### 金縷曲水仙花禁用湘妃漢女洛神事

小草先春令，問誰移，香本南園。罷栽幽徑，定武紅瓷看最好。銀蒜十囊齊迸，簇薤葉萱芽相並。幾點青螺

攢秀石。護冰苔。一片涼沙淨。喚仙子。踏明鏡。詩家比喻閒重省。未輸他。攀弟梅兄。暗香疎影。風露人間。渾不到。晴日紙牕留映。襯髩幾。畫屏斜整。豔紫天紅。昏夢裏。料更番花信。催難醒。孤芳在。伴清冷。

又前題

霽雪明吟院。愛青青。秀葉低排。獨呈花面。玉潤金寒。爭憐惜。肯放風簾高捲。把十二屏山遮斷。不信江南芳草渡。傍蓬根。艾底尋常見。魚天暝。鶯翹徧。仙姿豈上閒釵釧。便兜娘。要插蘭雲。未容輕翦。縱被春纖偷掐了。折送膽餅猶戀。怕零落。國香誰管。憑仗王孫。鈎水墨。恣疎疎。密密勻深淺。須一幅。好東絹。

又前題

何處無香草。戀晴牕。靈苗抽並。粉蕤開早。夢想西湖歸未遂。日日緇塵烏帽。對冷豔。娉娉孌孌。料得芳心應笑我。把風前黃藕冠。敲倒簪碧玉。袂阿縞。萬花只向春陽鬧。惹多情。游絲牽住。曳鈴催老。便是秋林攢幾簇。也有蝶銜蜂抱。誰似此。幽芬繚繞。繡入羅裙嫌太淡。配山茶。一捻紅尤好。還又怕。被花惱。

又前題

物候開春籥。驗芳根。頽簷曝後。晝盆移卻。稚葉青回。纔幾日。又吐小蓮冰萼。勝翠袖。香藏珠絡。雪虐風饕。都過了。倚南牕。晴景還如昨。雖遲暮。未寂寞。惜花不用圍簾幙。任筵前。山薌舞罷。幾曾吹落。靜色孤光誰結伴。除是早梅江閣。比多少。汀蘅洲葯。楚澤行吟。憔悴矣。料遺忘。偶爾騷人錯。留共我。歲寒約。

滿江紅西湖荷花

郭外垂楊直映到。水仙祠屋。愛十里。花明鏡面。岸沉沙腹。幾陣涼颼翻葉白。連盤驟雨跳珠綠。是誰儂。一道撥青蘋。波紋蹙。紅衣褪。開還續。碧筒卷。擎相促。繞菱根。荇帶冷香飛逐。偏是風前蝴蝶住。但無人處。鴛鴦浴。擘生綃。悔不學。丹青描橫幅。

綺羅香康熙丁丑六月舍南池上紅蓮作並頭花賦以紀異

蕙草連葩。蘭英並蒂。慣在貧家盆甕。年時蕙作同心花。今夏又開並蒂。誰料今番。雙頭水芝看涌。交卮勸。金叵羅深。畫軸展。玉丫叉重。笑莊窩。半畝平池。翻贏三十六陂種。谿亭容我小住。那費桃根桃葉。隔江迎送。臥穩風前一任冷香吹夢。愁遮了。葉底難扶。描不到。花心齊動。除非喚。薛夜來過。繡成鍼七孔。

又前題

楊柳陰中。菰蒲雨外。一柄犀株通體。並著花房。宛似仙娥雙髻。算只有。蜀苴同心。祇認得。嶧桐連理。又爭如水。珮風裳。嫣然交影。鏡香裏。約開渚蘋汀蓼。恁與纖鱗隊。鬧紅遊戲。第一輕舟。莫放采香人樣。渾不管。翠蝶衣翻。生怕是。綠雲風起。問沙面。頭白鴛鴦。舊來曾見幾。

題竹垞並頭蓮詞後

平湖沈岸登翠九

紅玉雙擎漢盞杯。溫風別費剪刀裁。定知茅屋詞人在。故向亭陰作意開。



朋牋雙調綺羅香。比似蕢洲筵譜強。有約重過聽按曲。鬧紅一舸話斜陽。

水龍吟白蓮

綠雲十里吹香。輕紈剪出機中素。銀塘一曲。亭亭何限。露盤冰柱。玉腕徐來。青泥不動。乍鳴柔櫓。任沙鷗撲鹿。雙飛不見。又何況。雙棲鷺。好手畫師難遇。倩崔吳。鼠鬚描取。翠衿小鳥。黃衣稗蝶。添成花譜。雲母屏風。水晶簾額。冷光交處。爲秋容太淡。嫣然開到。小紅橋路。宣和畫譜崔白有白蓮雙鷺圖吳元瑜有白蓮塘圖

臨江仙引枯荷

三十六陂遠。半竿日澹。一面風敲。畫橋靜。采菱船也都歸。幽期記。紅袖滿。碧筒勸。舊侶全稀。空留得。伴愁人。永夜聽雨柴扉。江妃。亭亭翠蓋。水珮零落無遺。剩寒蘆折葦。相映苔磯。淒其看晨颺。裏鴛鴦凍住了。還飛。漁翁笑。且香包冷飯。鍼補秋衣。

又詠茄

隴上紫瓜好。黛痕濃抹。露實低懸。趁朝日。畦丁密灑冰泉。桑邊看。長蒂剪。纍纍綻。葉底光圓。筠籃滿。餉白牛。蕭寺赤馬吳船。筵前生疎蜀客。犀箸催下。茫然笑。千廬萬粟。許配芳鮮。嬋娟愛輕繡染。香衫色。比似花妍。閒無事。寫家蔬添个。小蝶新蟬。芝田錄楊帝改茄子爲崑崙紫瓜張文潛詩映葉乳茄濃黛抹黃山冰鄭安晚詩光圓頭腦作僧看張浮休茄子頌頭附于龍徐熙有蟬蝶茄菜圖